

靈寶无量度人上品妙經卷之三

天三

天地八維安鎮國祚品

道言昔於靜空天中朱落神風太玄妙土受
元始度人天地八維安鎮國祚无量上品元
始天尊當說是經周迴八過以名八維始當
詣座天地八維大神上聖高尊鎮國真君無
鞅數衆乘空而來玉華紫氣瑞靄凝暉瓊車
泛霞羽仗交映翠蓋駢羅香風散靈天精昭
朗萬象澄鮮神光散揚黃霧芬苾綠羅泛景
洞煥太虛八日八夜諸天日月星宿經緯魁

卷第三一

衡一時停景金真玉明靈響靜空法雷輕震
莫不肅然一國地土緬平一等山川煒麗林
木敷榮威光應感天瑞咸臻衆真翊侍元始
天尊玄坐玉藥敷華御化寶牀之上說經一
編諸天大聖同時稱善是時萬國一切有情

天三

一

普蒙開化俱發善心說經二編八維安鎮帝
祚綿昌說經三編品彙交和民人富樂說經
四編禍亂永消毒害不生說經五編道化普
宣咸陶聖範說經六編天覆地載和氣沖融
說經七編靈文顯布正道清明說經八編民

物熙洽無有爭心說經九徧真文發現說經
十徧嘉祥沓至是時一國是男是女莫不傾
心皆受護度咸得長生

道言是時元始天尊說經一徧東維无極无
量品青華官君將吏無鞅之衆浮空而至說
經二徧南維无極无量品丹華官君將吏無
鞅之衆浮空而至說經三徧西維无極无量
品皓華官君將吏無鞅之衆浮空而至說經
四徧北維无極无量品紫華官君將吏無鞅
之衆浮空而至說經五徧東北維无極无量

品鬼門官君將吏無鞅之衆浮空而至說經
六徧東南維无極无量品地戶官君將吏無
鞅之衆浮空而至說經七徧西南維无極无
量品人門官君將吏無鞅之衆浮空而至說
經八徧西北維无極无量品天門官君將吏
天三
無鞅之衆浮空而至八徧周竟八維安鎮國
祚官君將吏八景八威八史八神諸部仙官
曹屬之衆一時同至一國男女傾心歸仰皆
願天地八維福瑞應感安泰欣榮來聽天尊
宣布法要安鎮國祚保天長存有如細雨密

靈寶无量度人上品妙經

霧無鞅之衆傾圍圍繞非可禁止於是元始
即於眉間額珠之上出異色寶光光分八道
每一道中現天書自然梵炁神符於此八維
出此八符安鎮國祚保定乾坤復現丹章玉
文靈篇迎至妙氣感攝嘉祥元始登引八維
天曹地司官君將吏八方至真无量大神無
鞅數衆俱入寶光之中天人仰看惟見拂拂
從寶光中入混化梵炁神符之內既入寶光
不知所在國人廓散地靄綿雲皎如柔玉元
始即於妙景之內說安鎮國祚大法都竟衆

真監度以授於我當此之時喜慶難言法事
粗悉諸天復位修歛之間寂無遺響是時天
人遇值經法普得濟度全其本年無有殘傷
傾土歸仰咸盡一心不欺不誣不忮不謀不
毀不爭不佞不邪不媚不忍言尚忠正口無
天三
怨譽齊同慈愛異國成親國安民豐欣樂太
平經始出教一國以道預有至心宗奉禮敬
皆得度世

道言元始天尊說經中所言並是諸天上帝
內名安鎮國祚穰解八維致福降祥隱韻之

靈寶先天度量人上品妙經

音亦是上靈內秘琅笈之書招集至真元聖
妙有內諱保帝熙時之隱名也非世之常辭
上聖已成真人通玄降靈力扶皇圖道持洪
祚威伏邪醜德被生類能悉其章誦之八徧
八維康靖六合又寧諸天遙唱萬帝設禮河
海湛然山嶽效靈日月重景璣星順躔群魔
東形鬼精滅爽迴福延世安養種人至學之
士誦之八過則五帝護國三天助持魔精喪
眼鬼杖滅爽濟度垂死絕而得生所以爾者
學士雖稟至科八維峙符安鎮靈法神氣未

合體未洞真召制八神威未制天政德可伏
御地祇束縛魔靈但請祥致福而已不能更
生輕誦此章身則被殃供養尊禮家國興隆
世世昌熾與善因緣萬災不干神明護門斯
經尊妙獨步玉京度人无量為萬道之宗觀
巍大範德難可勝

道言凡誦是經八過天地八維八神官君將
吏八景大神安鎮國祚八大神王八方真人
同時齊到邪怪潛伏民物安和邦家寧鎮魔
精妖魅八符穰解營護真靈八維之地伏骼

靈寶无量度人上品妙經

藏屍千年木石水火之怪丹蛇赤鼠陰影寃
滯古昔之鬼徃衆先宗億曾萬祖幽魂苦爽
皆即受度上升朱宮格皆九年受化更生得
見太平而好學至經功滿德就皆得神仙飛
昇金闕遊宴玉京也上學之士修誦是經身
天三
合天地絡應八維頭中九宮上通太極八方
玉文煥照身宮保鎮心君性靜無爲混合百
神魂魄受鍊陰陽運靈左居無英右守白元
中有晨暉照耀億千驛馬奏功司命結篇皆
即受度飛昇南宮普世受誦俱獲道真玉符

招神神安氣靈赤筋霜髓紫脉成文文布洞
章骨變丹金則乃延壽長年後皆得作尸解
之道魂神暫滅不經地獄即得返形遊行太
空此經微妙普度無窮一切天人莫不受慶
無量之福生死蒙惠上天所寶不傳下世至
士齋金寶效心盟天而傳輕泄漏慢殃及九
祖長役地官侍經八維安鎮玉童玉女各三
十二人營衛神文保護受經者身

道言正月長齋誦詠是經安鎮寅卯辰巳午
未申酉戌亥子丑之方維正之位兆域之中

為上世亡魂斷地逮役度上南宮七月長齋
誦詠是經安鎮天地民物生靈咸遂道性克
慕神仙諸天書名黃籙白簡削死上生十月
長齋誦詠是經為國王帝主君臣父子安鎮
國祚保天長存世世不絕常為人君安鎮其
方民稱太平八節之日誦詠是經天地八維
天三
咸皆安鎮八景降祥瑞應備現靈文祕圖八
柱刊瓊八官紀善道化保於無窮三元之日
五
誦詠是經十二辰官四方八維天神地祇施
慈降福注定吉祥永使聖君上德日隆神洞

卷第三 六

無間體生玉華面有金顏魂神澄正萬炁長
存斷除苦惱身有光明三界侍衛五帝司迎
萬神朝禮名書上天功滿德就飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜

三十二過閉目靜思身坐青黃白三色雲
氣之中內外翳冥有青龍白虎朱雀玄武
獅子白鶴羅列左右日月照明洞煥室內
八維符吏八面功曹環立侍直項生圓象
內現天文龍鳳之書安鎮天地光映八維

如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章上品妙首安鎮度人天
地八維八威隱韻凝篆自然八神赤文祖劫
元真元始妙氣化生諸天開闡八維輔立天
根天地神真分氣結身方維既定禍福乃陳

天三

六

上帝靈符辟魔護人無文不光無文不明無
文不立無文不成無文不安無文不鎮是爲
大梵安鎮乾坤國祚隆長慶瑞永綿鬱羅蕭
境玉帝靈都上極无上大羅天中眇眇劫仞
下至崑崙莫界八維區別萬方辨分正位皆

有官君神吏守衛奏疏上晨紀善注功率由
于民大行梵炁周回八方中有天地八維之
神直符殺鬼之使安鎮國祚之尊南極長生
大君神霄真王青華之君出教立法保國護
民符鎮八維天地朗明天省玉堂上相真君
中有上宰玄司之君攘解災氣國祚咸寧中
有南上司命司錄延壽益算度厄尊神清滌
方隅萬物欣欣今日開化諸天臨軒
東維无極飛天護世神王長生大聖无量度
人

南維无極飛天護世神王長生大聖无量度

人

西維无極飛天護世神王長生大聖无量度

人

北維无極飛天護世神王長生大聖无量度

天三

七

人

東北維无極飛天護世神王長生大聖无量

度人

東南維无極飛天護世神王長生大聖无量

度人

西南維无極飛天護世神王長生大聖无量
度人

西北維无極飛天護世神王長生大聖无量
度人

八維守符飛天護世神王長生大聖无量大

神並乘玄雲都吏甲馬八維神官神吏旗幡

騎乘駕風雲噴煙吐火龍神驛卒鬼官虎

賁四面大將八臂神丁朱額青甲乘風跨麟

直符小吏安鎮靈曹地域之神億乘萬騎升

降而來迎侍霄駕鎮國保生天機丞相南昌

上官韓司主錄八維大神執天地籍檢察萬
神飛意密召齊到帝前隨所方維嚴奏上天
普告三界无極神鄉泉曲之府北都羅酆三
官九府十二河源急召積屍大靈星君使度
生民八維剋害破射惡殺呼魄追魂上解祖
考億劫種親疾除罪簿落滅惡根不得拘留
逼合鬼群元始符命安鎮升遷北都寒池部
衛形魂地司保舉度品南昌天機都省道運
長新死魂受鍊仙化生民生民受度劫劫永
存隨劫輪轉與天齊年永度方維注害不干

隨符安鎮保慶長年道備德成超凌三界道
遙上清上清之天天帝玉真護持國境梵行

東方八天

明持玉陽天

帝至利師方

角胎上極天

帝勲夷思完

天三

儲淨妙有天

帝群題士詢

彥迹鉛宗天

帝歷斬化常

氐張輔皇天

帝彭義慈

太至昊祖天

帝招機總維

祕普韓化天

帝傳真識元

逸邈希順天

帝祖羅英

南方八天

燠度霄炎天

帝龍澌瀾沙

鑄神骨想天

帝玄鮮生

曜華麗舉天

帝純寂渙池

宣革慶鴻天

帝香京沂牢

變黼拭崇天

帝肇玄慈名

斗虛爛阿天

帝真雲秘都

阻義炎流天

帝猛子迴堂

略羽道餘天

帝洞景易當

西方八天

紆論制魔天

柳寓解當天

微連紫鯨天

傲靈悅空天

天三

越積渚安天

宜封觀虛天

義神飛廬天

頌玄流景天

北方八天

帝詰屠羊良

帝伯定謨

帝奏祥敷

帝上覺真

九

帝演丘資賢

帝峻洲辭朋

帝判極洞霞

帝泰遙康容

堯玄隱微天

帝氣襲龍枝

兆化億先天

帝保粹冲

史阿奚幾天

帝溱昌輪

豫常尤俞天

帝斷從堅

賓張守符天

帝曲回明方

福王行逸天

帝壽耆晞

靜原華鼎天

帝度真天形

道遠浩流天

帝言永疆

三十二天三十二帝諸天隱諱諸天隱名天

中空洞安鎮國祚自然靈章八維隱韻安鎮

靈寶无量度人上品妙經

之音安鎮之尊八維之神八維大魔八維之
靈度符玄合變化上清无量之奧深不可詳
召攝神真普度天人今日穰除度法歷關諸
天請鎮國維斬絕妖群飛仙八景名列太玄
真魔監舉無拘天門東斗定化西斗伏妖北
斗斬姦南斗衛生中斗鎮惡總監八維青帝
養育白帝輔成赤帝安民黑帝滅禍黃帝衛
生保安兆時青天魔王安鎮東維赤天魔王
寶符南離白天魔王西邊刀兵黑天魔王北
維普寧黃天魔王八威神兵五帝大魔搜捕

八維清肅天地總領鬼兵麾幢鼓節遊觀太
空靈文煒煥羅布威光安鎮國祚嚴攝邪氛
神王受命除世不祥玄蛇吐毒九都膽張天
丁縛鬼北斗戮精擲火萬里流鈴八衝敢有
干試拒遏八神金刀亂施千杖滅形仰嘯玉
華俯咀絳緯天地八維念道安真屠滅禍爽
風火無停千千截首萬萬剪形魔無干犯鬼
無杖精三官北鄧明檢鬼營不得容隱金馬
驛呈普告無窮萬神咸聽三界五帝列言上
清

元始上帝和合三炁天地八維安鎮國
祚之法祕於

東華寶室威禁至重八維真符皆自然
靈章飛玄之華九鳳之氣以成紫字用
以救護世厄方隅邪怪境土不順之道
若國境疾癘兵盜水火之難則行香修
齋六時行道誦此

妙經隨所災分丹書此符作旺相所宜
之色設於國內燒香醮禮

三天帝君八維神王將吏中庭法師仗

劔步躡斗罡禁氣誦呪隨所安符訖後
三日或七日撤去壇席大吉如一家有
方隅注害毒惡之氣身黃土符之殺亦
用此符禳厭亦祭八維官君將吏等也
此

天三

十一

上清護世之文不可輕慢衛符皆有靈
官童子玉女直符以申今行事焉具符
如左八符或繒或紙金鑄石刻皆可每
維直符十九人使者三人守符官君將
吏三千人

安鎮東維青華丈人護世長生真符

青書黑縉施震宮上




安鎮南維赤靈真人護世旺福真符

丹書黃縉施離宮上




安鎮西維章簡玉女護世禳兵真符

白書黑繒施兌宮上




安鎮北維龍玄大神護世保祚真符

黑書白繒施坎宮上




安鎮東北維皓真靈君護世伏魔真符

白書綠繒施良官上



安鎮東南維碧仙神君護世通玄真符

碧書紫繒施巽官上




安鎮西南維玄真夫人護世寶皇真符

黑書絳繒施坤宮上



安鎮西北維天老帝君護世鎮國真符

白書黑繒施乾宮上



如上八符皆梵炁至精變化自然成文安
鎮天地八維變災為福帝尊萬年民有信
誠取黃繒以丹書八符佩身辟萬邪千禍
出入行來不避太歲方維大殺修營居室
施符八維元亨利貞

天三

十三

安鎮國祚萬歲太平五福真君一十
二字黃書之安中央石臺上


安中央石臺上
安中央石臺上
安中央石臺上
安中央石臺上
安中央石臺上
安中央石臺上
安中央石臺上
安中央石臺上

中央玉文一十二字保鎮國祚福壽帝尊
諸天上帝臺閣之上皆刻書之也國界之
內四時不調災癘競起皆當醮禮天真敷
露五方真文安鎮八符及山水簡券七日
之內必獲感降致福流祥也

元始混茫五氣回光上降下接玉液流滂結
爲玉京環峙八方金氣生剛神風激揚浩浩
九劫太乙玉房道爲氣母龍漢延康眇眇億
劫混沌之中上無色界下無輪淵金粟潤澤
群龍伏潛中有大神身如玉蛻莽莽萬丈噴

靈寶无量度人上品妙經

雷吐烟眼爲日月血液爲泉浩波杳冥海之
百川雲凝氣鼓玉景爲天天上天下無幽無
冥無形無影無極無窮溟津大梵遼廓無光
赤明開圖運度自然元始安鎮敷落靈真八
維神網星斗交連勅命靈官分域龍君天殺
地殺八維大神十二官分上乾下坤道氣如
繩貫珠絡纓神符赤書辟片祛氛保制劫運
使天長存梵氣彌羅萬範開張元網流演三
十二天輪轉無色周回八維旋斗歷箕六氣
纏綿三十五分總御天關勝伏凌犯動靜改

遷維內守神衛世無愆生善滅惡定錄三天
八景冥合氣入玄玄玄中太皇上帝高真汎
景八維禳鎮咸寧金真朗郁流響雲營玉音
攝氣靈風聚煙紫虛鬱秀輔翼萬仙露文植
符福祚帝宸水升火降自然成真真中有神

天三

十四

長生大君無英公子白元尊神太乙司命桃
康合延八維之內各有尊靈共保皇圖護衛
帝門執符把籙保國救民上遊上清出入華
房八維之內細微之中下鎮百靈中華絳宮
運行五氣混合萬神十轉迴靈萬氣齊真真

道貴生无量度人上開八關八維之方罪福
禁戒宿命因緣普受開度死魂生身九土安
鎮氣降諸天諸天之上八道靈文中有空洞
謠歌之章真王靈篇辭參高真

第一欲界清寧維域飛空之音

道化一形

陰陽兩分

天上天下

瓊室玉宮

十二神營

八維四門

水火金木

寒暑相因

沖氣為和

刑剋俱存

順為言德

逆為禍根

天地八維

倚伏所存

煌煌赤符

蕩逐神姦

保德常自吉

泄慢常自凶

高上神霄王

綠輿來紫空

惟願法教興

生津遠莫窮

龍章施八維

辟除禍害宗

不使斷正氣

保延世運亨

凌虛誦洞玄

以攝扶持功

東送幽邪靈

斬馘祛魔鋒

安鎮長綿綿

聖祚日興隆

天三

十五

第二色界八維禧祐之章

玉都萬神

總御八方

圓羅洞無

大梵周行

變化浩渺

周布億千

飛玄成書

佩服真靈

斷絕殃注

靈寶先度量人上品妙經

吉慶相連

坎離激戾

邪氣紛紛

神符所至

靈光燕存

福降紫清

運會自然

此時樂兮

上帝之恩

襍祿滅凶

生類和寧

我道難遇

故顯洞文

飛空妙範

混合玄元

成敗之用

率由爾身

普天護度

賴此歌音

第三無色界安鎮天福歌曰

碧雲鬱差

玉淨圓羅

洞虛無色

燿素靈波

惟有元一

混沌之神

生育天地

布列玄真

世分八維

中含紫虛

皇極為王

統御萬方

飛神萬變

法道真常

赤文煥麗

制魔召祥

施張靈化

庶物咸康

致福者心

諒不由他

心通妙意

三氣凝華

國祚由是安

教化靡不同

萬神享慶會

靈童伐鼓鐘

此三界之上飛空之中飛仙歌音音參洞章
誦之百徧名度南宮誦之千徧魔王保迎萬
徧道備飛升太空過度三界位登仙公有聞

靈音魔王敬形勅制地祇侍衛聖君八紘安
泰永絕禍難祖彌升遷遊宴玉天欣樂無窮
歡盼劫年是謂无量保度無窮有祕上天文
諸天共所崇泄慢墮地獄禍及七祖翁

道言此二章並是諸天上帝及至靈真王隱

天三

十六

祕之音皆是大梵之言非世之常辭言無韻
麗曲無華宛故謂玄奧難可尋詳上天所寶
祕於玄都紫微上官依玄科四萬劫一傳若
有至人齋金寶質心依舊格告盟十天然後
而付焉

道言夫天地運度否終日月五星虧盈至聖
神人休否末學之夫疾傷上逮國境水旱民
物疾癘八維之分有諸災怪同氣至士皆當
齊心修齋六時行香八徧轉經醮禮天真八
維施符中安十二玉字勤苦至禱福德立降
消諸不祥无量之文普度無窮

道言夫治化未周道德未充事應廣運開闡
玄功當擇上學至人爲其行香誦經則天地
八維普獲安鎮國祚咸亨人無邪害真正神
明萬物被德稟生受靈鬼屍滯爽開度形魂

徑上南宮隨其學功計日而得更生輪轉不滅便得神仙

道言夫天地運終星宿錯度日月失昏四時失度陰陽不調國境有災水火兵盜疫毒流行兆民死傷師友命過皆天地八維刑勝之

天三

十七

氣注射使之皆當施符按法修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度天人

道言凡有是經能為天地帝主兆民行是功

德有災之日發心修齋燒香誦經醮告八維
施符用法誦經八過皆諸天記名萬神侍衛
右別至人剋得為聖君金闕之臣諸天記人
功過毫分無失天中真王亦保舉爾身得道
者乃當洞明至言也

諸天中大梵隱語无量音 道君誤

元始靈書安鎮國祚玉篇

東方八天

竅叫鼈醯 辯霸酥露 教昴洎撲

越英葶絨 曷扁流轄 爰瓏稽柳

妙落筆俞 肇熒彌摩 郁圖環祖
寶冥健桐 瑄棊赭環 微咸協汾
鮮鐸巴漫 植瓊綠完 蔽膜遊綿
邀巒斗箋

南方八天

訥池建憇 炯桓疑牂 罔玄師元
霹溥優賓 宥團宥假 天晶歷孫
叫崛羈罩 麼錫漾敦 鏗犀幹索
譚監鬼道 懋姬暄緒 屢涪婁鹵
蕭仙登京 篆昭孔盟 晝就豚決

混徇洞侖

西方八天

蘇訶交彭

屈觀史庚

忍利教道

幽茂武神

圭羅積坤

殊容被紳

濫卓廣割

嬰漏淵璘

項舍乾婁

淨展昏鈞

天三

命提懽茹

邁混泥淪

淪莊運秀

毗孤遼泉

達濯衍文

史亟酉仙

北方八天

藏堅澣銳

日擘靈願

輻遠蹟徠

蘊割犀雷 耀揚晃微 陀蘭伊垂
乳鹹旌派 虛劫赤壘 盤變俯巔
纏翅驛繪 鈕耿遙玄 直沆霄宣
蕩逸亘廓 龍廬皎荃 豐截令牢
燔丁北然

道言此諸天中大梵隱語无量之音舊文五色神金鼓冶為符安鎮天地八維之上調正運數氣合元和扶衛國祚與道常興字皆廣長一丈天真皇人昔書其文以為正音有知其音能齋而誦之者諸天皆遣八方神王八

維宰牧下觀其身書其功勤上奏諸天萬神
朝禮地祇侍門大勲真仙保舉上真道備刻
得遊行三界升入金門此音無所不辟無所
不穰無所不度無所不成天真自然之音也
故誦之致八真下觀上帝遙唱萬神朝禮三

天三

十九

界侍軒群袂束首鬼精自亡琳琅振響十方
肅清河海靜默山嶽香煙萬靈振伏招集群
仙天無氛穢地無秋塵冥慧洞清大量玄玄
也

元始无量度人上品妙經卷之三